

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Fünff Bücher, Vonn Kriegs Regiment vnd Ordnung, Wie sich ein jeder Kriegszmann inn seinem Ampt vnnd Beuelch halten soll, was zu anfang eines Kriegs zuerwegen vnnd zubetrachten sey, Auch vonn ...

Fronsberger, Leonhardt

[Franckfurt am Main], 1558

VD16 F 3129

Trabanten Ampt vnnd Beuelch.

[urn:nbn:de:bsz:31-41862](https://nbn-resolving.org/urn:nbn:de:bsz:31-41862)

Das vierdt Buch.

liij

Item allen den ihenigen/so inn tods gefärligkēy vnd nöte kommen/besonder vnd vor andern den ihenigen/so vnder sein Fändlin gehörig/soler zusprechen/sie ermanen vnd trösten/wie dann des orts die notturfft eins jeden sterbenden menschen erfordert.

Die Capplön pflegen gemeynlichen ihr wesen bey dem Hauptman zūhaben/sich zu einkauffen vnd andern des Hauptmans geschäften gebrauchen zulasen/wiewol sie es zuchun nit schuldig/vnd pflegt man ime zugeben doppel Sold.

Trabanten Ampt vnd Beuelch.



ES werden vnder einem jeden hauffen viel Trabanten gehalten/wie dann bey allen Amptern gemelt/die erwölte ihme ein yeder selbs seins gefallen / deren Ampt vnd Beuelch ist / das sie mit ihren Helmpartten yeder zeyt bey ihrer Herrschafft seyen / darauff sie bescheyden/auff sie warten/sie wa noch vor den ihenigen/so ihrer Herrschafft wolten zusetzen/zubeschützen/dann dieweil die Beuelchsleut zum offermal

Von aller hand Kriegsrüstung vnd gebrauch/

offtermal nicht einem yeden können sein willen machen/wie er wil/deshalben vil vndanckts verdienen/darumb seind sie der Trabanten notturfftig.

Die Trabanten sollen auch sonst zu yeder zeit wa ihr herrschafft geht oder steht/mitt ihren gewehren auff den dienst wartten/sich schicken/vnd zu allem jrer herrschafft beuelch vnd geschrefften gebrauchten lassen.

Sunst wa jr Herrschafft etwas gegen den feynden handeln/oder ettwas besichtigen wöllen/sollen sie mittlaufen/vnd auff jr herrschafft warten/be gibte es sich aber/das man mitt den feynden handeln wil/so dann ihr Herrschafft inn die Ordnung steht/sollen sie auch zu andern jhrs gleichen inn die Ordnung stehn. Umb solche jre dienst wirt jnen geben doppel sold.

Pfeiffer vnd Trommenschlahers Beuelch vnd Ampt.



Uder einem yeden Fändlin Knecht werden auch gehalten zum wenigsten zwey Spiel/das ist zwen Trommenschlager vnd zwen Pfeiffer/die bestellt gewönlich der Fänderich mitt zulassen des Hauptmans/so best er sie vberkommen mag.

Jr Ampt